

Izjava OHR-a na konferenciji za medije međunarodnih organizacija

Visoki predstavnik u posjeti Rudom

Visoki predstavnik Paddy Ashdown, zajedno sa suprugom Jane, sinoć je proveo noć kod penzionera u selu Past u brdima iznad Rudog.

U razgovoru sa ovim penzionerom i samostalnim poljoprivrednikom, visoki predstavnik se informirao iz prve ruke o poteškoćama sa kojima su suočeni on i njegova supruga pokušavajući da prežive na penziji od 90 KM.

Visoki predstavnik je također razgovarao sa stanovnicima sela o mogućnosti proširenja poljoprivredne proizvodnje i razvoju eko-turizma u području Rudog. Ukoliko ne dođe do razvoja lokalne privrede, omladina će i dalje da se iseljava u potrazi za poslom.

Visoki predstavnik i njegova supruga su se također susreli sa bošnjačkim povratnicima u ovo područje. Na vrhu liste problema povratnika su stambeni kapaciteti i osiguranje osnovnih komunalnih usluga, kao što je električna energija. Visoki predstavnik je naglasio da je mperativ u situaciji kada međunarodna donatorska pomoć za povratak izbjeglica opada da domaće institucije urade više na zadovoljavanju potreba povratnika. Ovaj argument je posebno važan kada se zna da će organi BiH preuzeti vođstvo u oblasti povratka krajem ove godine.

Visoki predstavnik je učinio svjestan napor da nastavi i dalje posjećivati građane po gradovima i selima širom BiH, uprkos velikim obavezama koje ima u OHR-u Sarajevo, jer vjeruje da je

to najefikasniji način da sazna o problemima i težnjama građana i osigura da međunarodna zajednica i domaći organi promoviraju reformske prioritete koji će dovesti do materijalnog poboljšanja standarda življenja građana BiH.

Fotografije snimljene tokom ove posjete moći će se dobiti u Press uredu OHR-a i na OHR web siteu kasnije u toku dana.

Prvi zamjenik visokog predstavnika sutra u posjeti Savezu sindikata

Prvi zamjenik visokog predstavnika Don Hays sutra će prisustvovati sastanku koji će održati predsjednik Saveza sindikata BiH Edhem Biber sa predstavnicima 22 sindikalne članice Saveza. Na sastanku će se istraživati načini na koje sindikati mogu ostvariti veću ulogu u privlačenju investicija u BiH, što je nešto što su sindikati uspješno uradili u drugim zemljama, i načine na koji sindikati mogu promovirati programe prekvalifikacije i napredovanja u karijeri koji će biti od pomoći radnicima u iskorištavanju mogućnosti koje nudi tržišna ekonomija koja je u nastajanju. Ambasador Hays će također razmotriti negativne uticaje koje loše upravljanje preduzećima ima na radnike. Preduzeća koja imaju lošu ili nepoštenu upravu ne mogu garantirati sigurnost posla i djelovati kao pokretač ekonomskog razvoja koji će stvoriti više novih radnih mesta.

Sastanak će početi u 11:00 sati u sjedištu Saveza sindikata u Sarajevu i završit će izjavom za novinare koju će dati gosp. Biber i ambasador Hays u 12:15 sati. Mediji se pozivaju da prisustvuju cijelom sastanku.